

UTL AT DOWNSVIEW



D RANGE BAY SHLF POS ITEM C  
39 12 04 25 08 032 3

DR  
479  
I55R4


Refi', Seyyid Mehmed  
İran sefāretnāmesi

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---







Digitized by the Internet Archive  
in 2011 with funding from  
University of Toronto

Arabic Manuscript



Refi', Seyyid Mehmed

محمد رفیع

Īrān sefāretnāmesi

ایران سفارتنامه‌سی


استانبول

هلال مطبعه‌سی - باب عالی قارشیسنده

۱۳۳۳

مكتبة الفيلسوف

DR  
479  
I55 R4



3771 956507



يك ايکوز يکرمی ايکی سینه سنده جانب دولت عليه دن نامه رسالک ايله عجم  
دولته کيدوب کلان

### محمد رفيع افنديک سفارت نامه سيدر

سبب التيام اعجام بادولت عليه ابدی القيام وکيفيت دسيسه ايشان  
در حصول مامول ومحاربه دشمن خویشان

برمدتدنبرو ممالک ايرانده شاهلق عنوانی اکتساب ایدن فتحعلي  
شاه فجاراليوم روسيه لو ينده وطائفه افغانيان حکمنده اولان مملکت  
جزويه لرندن ماعداسنی عموماً تحت يد استيصالنه ادخال ايتمش ايسه دخی  
دولت عليه ابدی الدوام صانها الله تعالى عن تعرض اللئام الی يوم القيام جانب  
قوی الجوانبندن شاهلنی تصديق و طرفیندن ارسال رسل و رسائل ايله صورت  
یکجهتی ورسم محبت اظهار وتنسيق بيور و ولدینی صورتده عنوان سلطنتی  
دولت سائرہ بیننده وهمجواری اولان سند و هند و افغان و اوزبک  
ديار لرنده قرین اشهاد و برتقريب مکتسب قوت و اقتدار و خصوصاً  
اذربايجان ولايت لرندن ثانی مقدارنه مستولی و بالجاوبه مدافعه يه عدم  
قدرت لری ظاهر و جلی اولان روسيه لونک دخی فی الجمله کسر قوتنه مدار  
اوله جنی باهر و اشکار و ايران خلقی زیاده غرور و نخوت و بوصفتک ضد  
کاملی اولان دنائت و خستله متصف بر قوم بیعار اولدوغنه مبنی شاهلغه  
استحقاق دعواسنی تذکیر و عادت اوزره مخصوص نامه و هديه  
تسیر ایدرک استعداد استکبار ايله بومرامنی طبیعيله اتمام ایچون اعمال  
لطائف الحیل اعمالنه مباشرت برله حالا اذربايجان حاکمی و ولی عهدی  
اولان اوغلو عباس میرزا و وزیر اعظمی اولان میرزا شفیع طرفندن  
ادعای جهت جامعه اسلامیه و دعوا ی خلوص و محبت اعجامیه و اولور

اولماز مواد جزویہ ضمیمہ طرف دولت علیہ وارضروم والیسی سابق دولتلو یوسف ضیا پاشا حضرتلری طرفہ پیانی ایلیچیلر ارسالہ مبادرت اوزرملر ایکن روسیہ لو اوزرینہ وقوع بولان سفر ہایون تمام حصول مأمول مذکورلری موجب سہولت و باخصوص مرسوملر ایلہ واقع اولجق محاربہ و مسالہ دہ دولت علیہ مشارکت ادعاسیلہ جائز منفعت اولجق زعمہ دوشوب مشارالہ یوسف پاشا حضرتلریلہ ارپہ چانی باشندہ برلشوب بالاتفاق دشمن دینی سب و استرقاق ایتمک ایچون شہزادہ مشارالہ عقد پیوند و عہدمیناق ایتمشیکن و فاء عہد ایتیموب بر دخی واردق و اررز دیہ رک جانب مشارالہ و درعلیہ کل یوم ایلیچیلر ارسالیلہ اعقاد مثللو کریمت بازار محبت و قننی جانبہ کسر واقع اولور ایسہ کندولرہ موجب مسرت اولجق اعتقادیلہ مصون عن الغائہ غوغالری ایراقدن سیر و تماشاہ ہمت ایتدکری .

### صورت حیل عجم و روسیہ لو یکدیگر درامور متارکہ و سفر

طاقتہ اعجام روسیہ لو جانبہ دخی برنوع حیلہ و دسیسہ اختراعہ مباشرت ایلہ سفر ہایون تحقق ایتدوکی ائسادہ کندولری کویا امر مصالحہ مباشرت و آرائق آرائق طرفیندن کاغدلر و ایلیچیلر ارسالہ مبادرت و مرسوملری بالوجہ تأمین ایلہ ایالت چلدرہ واقع اخلکلک و بعدہ قارص قلعلری اوزرینہ تسلطہ دلالت ایدوب عون و عنایت جناب خیر اناصرین وین و توجہات ظل اللہ فی الارضین برکاتیلہ بویکی محلہ و چند دفعہ مشارالہ یوسف پاشا جانبہ عدوی مفورزیادہ مدمر و مقہور اولشار ایسہ دہ ایراندہ کلیاً مندفع اولمدیفندن انجام کاردہ غلبہ روسیہ لو طرفندہ قالمق فکری و یاخود امید موافقت ایتدکری دولت علیہ طرفندن و فرانجہ لو جانبندن مصالحہ وقوعندہ کندولری تشریک و مصالحلرینہ توسط اولنماق و ہمی و بوارالقدہ حالا سعی و اقدام اوزرہ

اولدقلری معلم عسکرلرینه و سائر ادوات حربیه لرینه برنظام و رابطه ویرمک خلیاسیله روسیه لوی دخی الدن براقیوب دائماً و مستمر اتحریرات مأوله و حرکات مخیله ایله انلری اغفال آتمک زعمنده روسیه لو دخی اعجایی دشمن قوی عد ایتمیوب هر نه وقت مراد اتسه لر غلبه و یا خود دلخواه لری اوزره مصالحه آتمک عندلرنده امر اسهل اولدوغندن اعجام کندولری اغفال ایتمک زعمیله اوزرلرینه وارمیوب حاضرده آنلر طرفه عسکر و سفر ترتیبی اقتضا ایتمز ایکن وار قوتلرینی دشمن قوی لری اولان دوات علیه اردوسنه صرف و تحویل آتمک دسیسه سیله اعجامک حیلۀ خفیه سندن صرف انظار افکار و رواج کار و تقویت مصالحت لری چون ادانه صورت مماشات ایتمکده اولدقلری .

کیفیت معامله اعجام بدوات فرانجه و مقدمه حیلۀ ایشان

### بائنزلباش لئام

فرانجه قرالی اولان بناپورطه جنابی روسیه لو ایله بدایت خصوصتمنده اوتوز قرق سنه دنبرو قغنی دولدن نه مقدار ونه مقوله مملکت اختلاس ایتمش ایسه بلاقصور صاحب اوللرینه رد و تسلیم ایتدکجه روسیه ایله صلح ایتیمدیمش دیو افواه فاسده شیوع بولان خبر بی فره و فرانسه لونک غلبه سنه و دولت علیه ایله فرانسه لو بیننده روسیه لو ایچون مباحثه صوریه سی سبقت ایدن موافقت و مشارکت کفتکوسنه اعجام فریفته اولوب دولت علیه ایتدکاری مثللو جنک و صلحده کندولرینی دخی آرایه صوقوب تحصیل منفعت موافقت و یعنی یالکنز کفتار و اطوار فریب ایله فرانسه لوی طرفلرینه جلب و اعانتلریله مصالحت لری رؤیت ایتمک زعم فاسده ورای کاسدیله فرانجه لو جانیده الفته و برتقرب یول بولوب زیاده میل و محبت و فوق الغایه عرض و خلوص و خصوصیت و قرال مشارالیه



دخی خاطرہ گلز و نتیجہ سہندہ چارہ سی بولنز خفی و جلی نخبہ نخبہ امال  
و افعالک استحصالہ مقدمہ مسلمۃ نتیجہ اولدوغہ مبنی بولنز ایله النقی  
جانہ منت بیلہ رک اظهار محبتہ اعجامہ مسابقت و بنیاد معاشرتی پرکرمیت  
ایدوب بونی چارہ لردخی شمدی یہ قدر دول نصارا ایله مناسبتری و اطوار  
کردار لردن معلومیتلری اولمدیغہ بناء ایشته فرانسه لوی تمام طرفزہ جلب  
و فریقہ اندک شمدی ہر ایشمز دلخواہمز اوزرہ کوردیرلوب و دولتمزده  
صنایع افرنجیہ دخی منتشر اولق منفعتلری کمالیہ حصولہ کوردیو پیدری  
رسل و رسائل ارسال و معلم عسکر و مہندیس نامیلہ تبریزده و قونسولوس  
عنوانیہ طہرانہ مقیم و بعدہ بغداد جانیدن و عقبیندہ بنایورطہ قیلندن  
وارد اولان فرانسه لولرہ توقیر و تکریم بہمال ایدوب طہرانہ بوققیر  
ایله دائرہ ساکن اولان قونسولوس سابق لابلاش و ترجمانی اولان  
یاسف جوانی نام فرانجہ لولر ایله خفی مصاحبتمز اٹانسدہ اعجامک حیلہ بارده  
و دسیسہ ظاہرہ لرینی ترسیف و استہزا و افندی بوزر تمام حضرت ناپولیونک  
دلخواہنہ موافق و ارتکاب تکلف و اختیار تعبہ غیر لایق و غایت ایله کذاب  
بر قوم مستحق اللومدر دیو مذمتلرنده اطرا و قریباً ریخ افرنجہ مبتلا  
اولہ جقلری جزماً و یقیناً معلوملری اولوب انحق حضرت ناپولیونک بوبابده  
اختراع ایدہ چکی تدبیر و مسموع و مجزوملری اولمدیغی تلیحاً و تصریحاً  
بوققیرہ اشراپ و ایما ایدوب انلرینہ بوزلرک اوضاع ناروا و تعیناتلرینہ  
دائر و سائر واقع اولان معاملہ بارده و شتوم و سرزنشلرینہ تحمل  
و سمت مدارادہ مبالغہ اقدام و اعتنا ایتکده اولدوغی .

تدبیر فقیر متہام برای تبرید بدمیانہ دوایتین فرانجہ و اعجام

بادلہ قویہ صدق ارتسام

حالا اذربایجان الکہ سنک ممالک مدد حہ سندہ موجود آتی یدی بیک  
روسیہ لونک دفع و ازالہ سندہ اعجامک عدم قدرتی بدیہی و مشہور ایکن



صورت اعانتہ بر طرفدن دخی فرانچہ لولر آفاق صوقوب بربرلریہ  
 بالاتفاق انواع خدعہ و احتیال و بلکہ حرب و قتال ایلہ اولطرفلری کلیاً آوردہ  
 قبضہ تصرف و پایمال آملری ملحوظ و اعجامک دولت علیہ یہ بالجلہ دول  
 نصارادن زادہ غیظ و بغضی معلوم ارباب و قوف ایسہ دخی لدی الحاجہ  
 دولت علیہ یہ کورہ اعجام ایلہ مقابلہ و مقاتلہ اہون و روسیہ لو و فرانچہ لو  
 مثللو ایکی قوی دشمنک و رادن یعنی ایران سمٹندن دخی دولت علیہ  
 حدودینہ تقربلری معاذ اللہ تعالیٰ نجہ نجہ محذوری مستوجب اولہ جنی  
 بر امر معین اولدیغندن چاکر کمینہ لری فرانسیہ لو ایلہ بونلرک آرالری  
 تبرید و کوز کورہ ملکلرینی اللریلہ ایللرہ تسلیم محذورندن تبعید قصدیہ زبان  
 بیانی باز و دسائس دشمن دخی اطرافیلہ افادہ یہ اغاز ایدوب شاہک  
 وزیر اعظمی اولان میرزا شفیع و امین الدولہ نامیلہ مدبرملکی اولوب خانہ سندنہ  
 مسافر اولدوغم الحاج محمد حسین خان اصفہانی و سائر متحیزان دولت  
 و ارباب مشورتلری نزدندہ کرات و مراتلہ مناسبت کتورہ رک روسیہ لو  
 بین الدول کذب و دروغ و عہد و میثاقہ عدم ثبات ایلہ مشہود ایسہ دخی  
 ینہ ہر حرکتی فی الجملہ قانون عدلہ مطابق و مستقل دولت دیمکہ لایق  
 اولوب انحق فرانچہ دولتندہ قوہ طالع و انواع دسائس ایلہ ظہور ایدن  
 پناہورطہ نک ہیچ بروقتندہ قولنہ و فعلنہ اعتماد جائز اولیوب کہترومہتر  
 ہرنہ کہ ایشلر و خیر و شر ہرنہ کہ سویلر ایسہ حصراً و قصرأ کندی انتفاعی  
 ورشتہ انتظام دول اخرا نک کسروانقطاعی ارادہ سندن عبارت و شمدی یہ  
 دکن کندویہ محکوم اولان دوللرک اکثرینی الحالہ ہذہ اعجامہ اشراہ  
 ایتیکدہ اولدوغی داروی شفا نما ایلہ محموم و مسہوم ایلدیکی معلوم  
 ارباب دقت ایدوکنی تعریف و بوقفیر مقدمہ بالمأموریہ آرندو اسکندریہ سندنہ  
 ایکن اول محلہ قریب و جوار اولان ونڈیک جمہوریتی دولت عجمدن  
 اقوی و منتظم و نیجہ ییاللق مشہود و جسور بردولت محتشم ایکن صورت  
 معاونتہ بکلرینی و مظالمندن حمایت صددیلہ خلقنی فریفتہ و تجارت

و معاونت بهانه سیله دیار لرینه امر مرشد مباشرت و مدت قلیله ده بر آغیز اوتی  
یا ققسزین و اصلاً طوپ و تفنگ آتمقسزین بقتة ایچلرینه کیروب ضبط  
و تسخیر و کبر و اغنیاسنی صویوب عموماً فقیر و استدوکنی اسیر ایتدوکی  
و کذلک بوفقیربالما مو: به بلغرادده ایکن نمچه دواتیله محاربه ایدرک زور دستیله  
مانظوه قلعه سی استیلا ایتدکدنصکره شهرت عدل و دادینی اول دیار لره  
نشر و کونا کون جلب قلب حیلہ سی ایجاد ایدرک نمچه لویه فی الجمله اغبرار  
در و نلری اولان بحار طائفه سی و غلو اسعار و مظالم بسیاره مبتلا اولان  
بح و حوالیسی خلقی طرفه اماله ایله بزه بر حاکم لازم اولمق نمچه قرالی  
اوله جغتیه فرانجه قرالی اولسون دیو دولت قدیم لرندن اعراض و طرفه  
تبعیت ایتدیر ذوب کذلک بروجه اسهل نمچه دولتی دخی ضبط و تسخیر  
ایتدوکی ایچنده بولنش و کوزمله کورمش کی معلوم فقیرانم ایدوکنی  
و دولت علیه ابدی الدوامه سوء قصد ایله صورت محبت و خصوصیتده نجه  
نجه تدابیر خفیه اختراع ایتش ایسه دخی الحمد والمنه بر وجهله  
کوزینه کسدره میوب کما کان وادی خلوص و محبتده پویان اولدوغی حالده  
فقط دولت اخر مثابه سنده و برآ و بحرآ دار الحلافته مسافه بعیده ده اولان  
اقلیم مصره جانب دولت علیه دن مأموراً کهدم دیو ساخته فرمان و مباشر  
ابرازیله بر تقریب دخول و ضبط ایدوب در سعادتده اولان ایاجیلری بونده  
بر سهو وارد در پناپورطه بحر محیطه چقوب اندن هندده اولان انکلتزم لو  
اوزرینه کیده جک ایدی بر کره دولتمه یازوب تحقیق ماده ایدیم دیو  
مهلت مخصوصه استحصال و کیدن سفینه مخالف هوایه تصادف ایلدی  
و شویله بویله اولدی دیرک برقچ ماه اهل و بوار القده مصرک اسباب  
استحکامنی استکم الدن صکره بی پروا و بلا شرم و حیا بزه بویله الویردی  
بویله ایتدک ستر دخی بلدیکنزی ایدک دیو هیچ بر دولسدن  
و قوعبولماش جواب ناروا اعطای ایدیجک دولت علیه دائمی القرار  
قوة ظاهره سندن بر نبذه سنی اظهار ایله السعوم علاج المسموم مفهومی

اوزره تدبیر طوب و شمشیر ایله ام‌الدنیائی ریح افرنجدن خلاص و تطهیر  
ایلدیکی جمله عندنده ظاهر و هویدا اولدوغنی اطرافیه افاده و انبا عقینده  
مخاطبین موصی الیه عندلرنده تذکیر و انما هر تقدیر مغل ادب و خطا ایسه  
دخی بوفقیری صورتنا دوست و خیر خواه اتخاذ ایتدکلیچون معرض  
صدائقده تکرار تقریره مبادرت ایله الحاله هذه کثرت ظلمکزدن ناشی  
عموماً سکان بلدان نالان و مراتب و مواجیدن محرومیتلری سببیه کافه  
عسکر یکنز دولتمکزدن روکردان و بوندن بویه فرانجه‌لویه تیور  
قپودن عسکر امراری اسان اولدوغندن غیری بررهانه و دعوائی محبت ایله  
دیاریکیزده ادملرخی تکثیر ایتمکده اولدوغنی و ادملری خفی و جلی  
ساده دلان اعجاب ایله الفت و معاشرت و حتی قونسولوس سابقلری اولان  
لابالانش دوعری استانبوله کتمیوب مجرد سیرو رؤیت بهانه‌سیله اصفهانه  
کتمکه عقد نیت اتمکله بونلر قریباً یا حیل و دسیسه و یا خود حرب  
صورتیه برفساد ایجاد ایده کلدکلری نمایان و باخصوص قونسولوس و ترجانی  
مرسومان بند نالنده تحریر اولندیغنی وجهله بو فقیره بو معنای شویله  
بویه افاده و تقریر ایدوب بونلردن تحفظ کار ارباب اذعان ایکن  
روسیه‌لو مصالحه‌سی و اهیس‌سیله فرانسه‌لویه بو مرتبه میل و رغبتکزمه  
استغراب ایدرم «علاج واقعه پیش اوز و اتوع باید کرده‌هله اول امرده آخر  
کاری ملاحظه و دیاریکیزی شر و مضرتلرندن محافظه ایتمه کز حق‌کیزده  
خیرلی در دیو واقع حالی توصیف ایلدیکمده نقل و فراستده کندوینی  
جملدن اقدم و رای و تدبیرده انلاطون اعلم عد ایدوب کمال حق و دنائت  
و زیاده مفاسد و خیانت ایله متصف اولان وزیر اعظم‌لری میرزا شفیغ  
بو فقیره اعتراض ایله یاسز فرانجه‌لویه نچون بو مرتبه حرمت و رغبت  
ایدرسکزدیجک بو حقیر دخی اقالیم معتدله عثمانیه سزک اقلیمکزدن مثلاً  
ضغیر الانحا و دول نصارادن میرا اولیوب هر جانبز دشمن و اعداء  
و کار و اعمالز جمیع زمانده مقتضای شرع قویم اوزره کفار ایله بجاهده



و غوغا اولوب بونلردن بریله جنك اوزره ایکن بزمه محدود دشمن  
ایله همدین اولماری حسیله بزه اهانت و خصمیز جانبیه اعانت ایتماری  
محدور و محاذیر سائره دن وارسته اولق تدبیریه دیکرلرینه بالاقضا مدارا  
و آنلرک اطوار و کردارینه از قدیم و قوقیز اولغله دائما بصیرت اوزره  
معامله ایده رز یوخسه انلردن دوستلق و منفعت امیدیه سز کبی بلا موجب  
بونجه مسافه بییده دن اختیار تعب ایله کندی مملکت مزه دشمن دعوت  
و جلب ایتیمورز دیدیکمده جمله سی یکزبان افندی راست سویلرسک  
و کفتارک بزه دوستلق در و روم دولتیله بزه اتفاق و اتحاد واجدیر زیرا  
دین قرنداشی و همجوارز دیو بو قوللرینی تصدیق و باقالمون نیجه اولور  
دیو ختم مجلس و کتار و اولوقتمده فرانجه دن کلک اوزره اولان غردان  
نام جنرالک و صولاندن صوکره تنظیم ایتدیره جککری مصالحه ماده سنک  
نتیجاسنه انتظار و کافه کلامی هر بار شاهلرینه عرض و اخبار ایده کلدکاری.

صورت مذاکره احوال مصالحه ایرانیان و کیفیت توسط

پرمضرت فرانجه لویان باشهزاده عباس میرزا و بیان

تخیران درانولا

بو فقیر طهراندن عودت ایله تبریزه داخل اولدوغم کونک فرداسی  
تبریزدن طهرانه عزیمت ایدن فرانجه ایله چیسسی عزدن نام جنرال ایله ولی  
عهد اولان شهزاده عباس میرزا چند روز هر بر خصوصی مذاکره  
و مرسومک صوریسنه فی الجمله تحصیل و قوف ایتمش بولندیغندن شهزاده  
مشار ایله بو فقیر ایله لدی الملاقات افاقی مصاحبت دولت علیه عرض  
خلوص و محبت صحتلرندن صکره افندی فرانسه لو ممالکی رومدن عسا کر  
وافره امرارینی تکلیف ایتسه عجا راضی اولورلرمی دیو لدی السؤال  
بونلرک بیتنده کذار شیرز اولان معامله معلوم حقیرانه ام اولیوب اول



امردہ بیک در لوکھات موضعہ وجواب باصواب ایرادینہ جرئت ایدہ مدیکم دین  
 شاہم بندہ کز دولت علیہ دہ ادنیٰ بر نوکر و بویہ امور معظمہ دین  
 بخبر اولدیعہ مبنی بوسؤال شریف کزہ جواب قطعی ویرہم انحق روسیہ لو  
 محاربہ سیچون کندی مملکت دین کتورہ جکی کلیتو عسکری فی نمچہ وروسپہ  
 دیار لرزدن اسرار وقتہ محتاج اولمخلہ سریعاً ایرشدیرمک ایچون مملکت  
 عثمانیہ دین کذارینی لدی الاستدعا جانب دولت علیہ دین بروجہلہ رضا  
 ویرلیوب فقط بر ایکوز نفر اوقجیال و مهندس مقولہ سی عملہ لری بوسنہ  
 طرفدن کچیرمک ایچون برزعیم تعیین اولندوغی افواہ ناسدن مسموعم اولمش  
 ایدی بو خبرک صدق و کذب و بعدہ نصورت کسب ایتدوکی معلوم دکلدیر  
 دیدکم دہ افندی بوتکلیفلرینی تجویز بروجہلہ جائز دکلدیر وروم دولتی دخی  
 بوکہ راضی اولماق کرکدر دیجک بوقفیر مقدا بالتأمل فہم واحساس  
 وقونسلوس سابقک سیاق وسباق کلامدن ادراک وافتراس ایلدیکم اسرار  
 عسکر تکلیفلرینی جنرال مرسوم شہزادہ یہ ایراد ایتمش اولدوغی جزم  
 وتیقن ایلہ شاہم عموماً طائفہ افرنجیہ نک و خصوصاً فرانچہ لونک حیلہ  
 ودسیسہ لرینہ نہایت وغایت یوقدر بویہ کلیتو عسکر ادخالی شویہ دورسون  
 ممکن اولدوغی صورتہ برنفرینی مالکہ تقریب وادخال جائز دکلدیر بونلر  
 ونڈیک ونمچہ مثللو قوی الاقتدار نیچہ نیچہ دولتلری شویہ وبویہ حیلہ  
 ودسیسہ ایلہ مغلوب ایتمشلردر دیو بند رابعہ یازدیغ تفصیلاتی یکان یکان  
 تقریر ویان ودولت علیہ آنلرک بوتکلیفلرینہ قطعاً راضی اولمہ جغنی افادہ  
 وعیان ایلدم مشارالہ تکرار جوابہ آغاز ایلہ برقاچ سنہ مقدم ہند  
 جانبندہ اولان انکلتہرہ لودن دولتمزہ کلان بیوک ایلاچی مقابلی طرفزدن  
 اولطرفہ کوندربان نبی خان نام بیسوک ایلاچمز کلدکدہ سز طہرانہ  
 ایدیکز آنکله مصاحبت ایتدیکز می دیدکدہ خان مزبور بوقفیر ایلہ بر  
 خانہ دہ مسافر اولوق حسدیلہ ہندک اختلال احوالی وکندویہ برقاچ بیک  
 عسکر ترفیق اولنسسہ بتون ممالک ہندی شاہنریچون سہولتہ تسخیر

ایده جگینی استر استه من بالدفعات نزد حقیرانه مده تقریر و تذکیر ایتمشیکن بی  
شاهم خان منورور ایله بالدفعات ملاقی اولدم آنجق امور ملکیه دأر  
صحت ایتدک دیو مراندن تجاھل ایلدیکمده هندک مجموع خلقی دولتمزه  
بیعت حاضر وهان طرفزدن براردوارسالنه ناظرلر ایدوکنی خان منورور  
تقریر ایدر زیرا انکلترولو ایله امر دینده مابیت وسائر حکام وطائفه  
افغان ظلمنه عدم قدر تلوندن ناشی ادنی همتله تسخیر اولنور عیجا اولطرفه  
سفر ایتدیکمز صورتده برکونا ضرر وخطر وقوعی ملحوظکنزیدر  
دیدکده مقدا طهرانده بعض بی اذعانک گفتارندن استشعار ایتدیکمز وجهله  
فرانجه لونک بو طرفدن عسکر امرارندن مرادمن فقط انکلترولودن اخذ  
وانتقام ایچوندیر یوخسه توسیع دائره مملکت واکتساب منفعت ایچون  
دکدر ممالک هند سزمه ملاصق ومناسب اولمغله جمله سنی سزمه ترک واعطا ایدرز  
دیو اعجایی اطماع وارضا صد دنده ایسه لر دخی دیار هندک تسخیرنده  
آخرک معاونته محتاج اولدقلرینی بوفقیه ایما عرضنده شهزاده مشارالیه  
سؤال مذکوری ایراد ایلدیکی مجزوم عیدانهم اولیجق شاهم وسعت دائره  
دولت بهر حال موجب اشتغال و محنت واستحقار خصما باعث ندامت و دردست  
اولان ملکک محافظه سنده مبالات ایله طمع دنیو یه دن اوترو آخر بلاد  
وعباد اوزرینه سفر آچق و نتیجه سی مجهول اولان سفری حضره ترجیح  
ایتمک سبب وخامت ایدوکی معلوم ارباب تجربه وبصیرتدر بومقوله ایلچی  
اطماعی ویاخود آخرک معلل بالاغراض سوق و اوضاعی تقریبیه حالا  
ملکک کزده اعدای دین دورر ایکن سمت آخره سفرا تمک نیجه تجویز اولنه بیلور  
روسیه لونک دفعی تدبیر بیورلمش ایسه آنی بیلهم دیو مصالحه لری کیفیتدن  
استخراج ایلدیکمده ای افندی دشمن مالکدن حقیق مدینی و ولایتکردن  
شو مقدارینی مهریکز ایله یدلرندہ ابقا ایدک دینلدیکی صورتده مصالحه  
نیجه ممکن اوله بیلور مملکت غصباً ید دشمنده ایکن عاقبت کار ملاحظه سیله  
انسانه کران کماز اما مهرله تسلیم بلاد بزه پک مشکل کلیور بو اوله جق ایش

دکدر دیدکده اعداء ایله مغلوباً مصالحه هر دولته و جمیع زمانده اوله  
گلش در حتی زمان سعادت حضرت شفیع الامتده ایله اخلافه تسلیت  
وهزار حکمت ضمننده مصالحه مکّه مکرمه وقعه‌سی وقوعبولشددر اهون  
شرینی اختیار اراده‌سیله بعضی ملک‌توری دشمنده ابقا و بعون الله تعالی  
مدت قلیله ده مهمات سفریه و امور عسکریه کاینبنی نظام ویریلوب ینه  
یدلرندن استخلاص اولنقده بآس یوقدر دیدیکمده افندی هیچ برکده  
صلح اولدقدنصکره فسخ مصالحه ارتکاب اولنورمی دیو دعواء مردانکی  
ومتانت ایتدکده فقیر دخی ماد'مکه دشمن دین ملک‌تکره بومرتبه‌جک  
یول بولشددر طرف شاهانه کزدن فسخ صلح عارینی اختیاره حاجت  
قویوب آراق آراق تکالیف شاقه ایله کندولری اساس صامی هدم  
وسزی حربه مداوم ایدرلر دیدیکمده مشارالیه تکرار آغاز کفتار  
ایله روم دولتی حالا روسیه‌لو ایله مصالحه‌یه نظام ویره‌میوب فرانجه بر  
وجهله قبول اولنیه حق بهانه ایراد وشو کونه سند طلب وبویله جواب  
ایدرک اوزرینه آلیوب اولطرفک ایشی دخی دوچار عقدۀ تشویش  
اولمش مفهومیلرینی مبالغۀ اعجامیه ایله تذکیر ایتدکده شاهم دولت علیه  
ابدی القرار جمیع دول نصارا ایله همجوار و بر مقتضای شرع شریف  
هر بار کفره ایله جنگ و حرب اوزره اولدوغی امر آشکاردر روسیه‌لو  
ایله مصالحه صورتی ده ایلدینی تقدیرجه انکلتزه ایله محاربه سائرلرندن  
اهون واسهل و دولت علیه محاربه‌دن بی‌فتور و کسلدر همان مصالحه‌یه سزلر  
بر رابطه و یروب شو دشمنی آرادن دفع بیورون دیدم خوشمدی یا خدا  
باق‌اهل ایماندر بقه‌لوم نیجه اولور دیو صدی سمت آخره تحویل و بر  
مدت دخی ذکر آتی بایزید واکراد و قه‌لرینی مذاکره و مباحثه ایله  
مجلسی تکمیل ایلدیکی .



خلاصه استشعار بنده ناتوان از تکالیف بارده فرآنچه لویان

در مقابله توسط مصالحه روسیه و ایران

احجام فرآنچه عسکری مملکت لرندن امراره قائل اولمق و فرآنچه لونک  
ظاهر اقصای مرامی مجرد انکلتره لودن اخذ انتقام اولقله بونلر اول  
آمالی استحصال و اقام هنددن آوراده ید استیلا ایدم جکلی ممالک  
بی احصای امرار عسکر و معیت بالسفر مقابله سنده و اثبات مدعای محبت  
ضمننده تماماً اعجامه تسلیم و اعطا ایلمک و روسیه دخی ممالک عجمی استیلا  
ویدلرنده حفظ وابقا ایچون بونجه سنه دنبرو هزار زحمت و محنت و لایعد  
مصارف و کافتی مرتکب و آلآن اعجامه بالوجوه غالب اولدقلر ایچون ممالک  
مزبورهدن بلاعوض کلیاً کف ید ایتلمی تکلیفی قانون دوله مخالف  
و رسم اتفاقه مغایر اولدوغندن ممالک مفصوبه لرندن تفلیس و شامی  
و شروان و تیمورقو و دربندی و سائر بومقوله متین و واسع و کثیر المنافع  
مملکتلر کماکان یدلرنده قالمق اوزره طرف اعجامدن مهور سندویرلمک  
و شوشه و بنیک و کومری و سائر بومثالو روانه مناسب و لایتلر دخی  
عجمه رد و اعاده اولتمق شرطلری و شروط سائر متصوره ایله مصالحه یه  
طالب اولورلر ایسه روسیه لویه بلکه الحاح و ابرام و سبی بلا کلام ایله بر  
تقریب سوز آکلادوب بالتوسط بر نظام و یریه یله جکلی و بوضوورتلرده  
راضی اولدقلری صورتده روسیه لوعنادلرینه مصر بر قوم مضر اولدقلر ایچون  
ماده مصالحه یی قطع ایدمیه جکلی و فقط دوستاغه حرمة هنددن استیلا  
ایدم جکلی ممالک و اراضی یی بونلره تسلیم و اعطا و عسکر ترفیق ایدرلر  
ایسه اول بابده واقع اوله حق مصارف لری محصول هنددن مع زیاده ادا  
ایدم جکلی مال و مفهوه یی جنرال مرسوم شهزاده یه انبا ایله طهرانده  
دخی بومعنائی انها ایدم جکی شهزاده نک بالاده مسطور تقریر و افاده سندن  
و تبریزده ساکن مستشار دولتنک تذکیر و تقریر لرندن استشعار اولندوغی



بیان سعی کوشش شهزاده رشید بای وضع احداث نظام جدید

مساعدۀ قره بختله بلامزاحم نائل تاج و تخت اولان شاه مشارالیه کافۀ اعمال و اطواری تزویج و تزیین و ادخار جواهر و خزائن و جمیع افعال و کرداری تفاخر و تکبر و وزیر دستانه ظلم و تجربدن عبارت و نظام مملکته و معاملۀ مملکته دن غافل و اوامر و نواهی الهیه دن بالسکلیه ذاهل خسیس و دنی برافضۀ بدخلقت اولوب آنجق سلفی خادم شاهک اداره سی و بالوجوه استحقاق سبیلہ ولی عهد ایتدیکی حالا تبریز حاکی اولان اوغلی عباس میرزا هر قدر حدث السن ایسه دخی کویا برشیخ مش کی هوای نفسانیه دن و اختراع ابنیه و زیبایش البسه دن محتجب و پدرینه نسبتله فی اجمله عدل و داده راغب و ارباب کماله محب اولدوغندن غیری ذکری و فکری تقویۀ اساس سلطنت و توسیع دائرۀ مملکت و تدارکات اسباب غلبه و حکومته معطوف و کافۀ اوقاتی صید و شکار و تهیۀ ادوات کار زاره مصرف اولوب افواه ناسده کویا علت جوعه ابتلا لری علتندن و حقیقتده خفیاً عقد ایتدکاری رشته متارکه و محبته بناء برسنه مقدم تفلیسده اولان روسیه لودن فرار صورتیله تبریزه وارد اولان اکیوز نفر روسیه لو ولایتلری و مقدما فرانچالودن جلب ایتدکاری حینده نفر معلم و مهندس مباشرتلیله معلم عسکر تدارکنه و ممالک دولت علیه دن تجارت و ساطیلیه یوک یوک مایعه ایلدکاری نحاس و تیموردن طویلر و کله لر اصاغه و اعمالنه و طوپ و جیخانه عربعلری تنظیمه و باروت طبعنه مبادرت ایله برسنه دنبرو اذربایجان مملکتلرینه توزیع و کونا کون تهدید و تأکید ایدرک عیناً و بدلاً تدارک و تحصیل و البسه و هیئتلرینی تبدیل ایله سلطاطه تسمیه ایلدیکی تخمیناً اوچبیک نفر مقداری عسکره کرکی کی محاربه افرنجیه صنعتلرینی تعلیم ایتدیردوب کل یوم اجرای صنایع ایتدیرمکده و برطرفدن دخی بر نوع عسکرک تکثیر و توفیرینه مزید سعی و اهتمام ایتدکه اولدوغی دیار عجمده شاهان

سالفه زمانلرندن مخلوع پدرینک طهرانده تأخیر و جانب و شهزاده‌یه آسییر  
ایلدیکی یکریمی اوتوز قطعه طوپ و هوانلرندن ماعدا شهزاده مشاراله  
شیمدی‌یه قدر قرق‌اللی قطعه چرخه و ابوس طوپلری و هوانلر اصاغه  
وعربله‌لر انشا و خیی باروت طبیح و تیموردن کله‌لر تنظیم ایدوب الان  
استکثارینه سعی بیشمار اوزره ایدوکی.

وقوع هجنت و محدود درامرار باقر و تیمور بدیار اعجام بدر کردار  
ممالک ایرانده انواع معادن هیچ نوع معدن بولمدیغندن ضربخانه  
متعدده‌لرندن اعمال وایادی ناسده استعمال اولنان فلوس نام باقیر منغرك  
وایداقلری طوپ و مهمات نحاسیه و آهنیه و اسرینه‌لرینک باقر و آهنی  
و قورشوتی دولت‌علیه معادن مهولندن اشترا و قطع و ترویج ایتدکاری  
آچمه‌نک سیم و زرینی تجارت صورتیه کذلک دولت‌علیه و دول سائر  
نقود مسکوکه‌لرندن تدارک و پیدا ایده‌کدکاری ظاهر و کندی آچمه‌لرینی  
غلو رواجی تقریبیه دیار آخره اخراج ایتدکاری مثلاًو دولت‌علیه  
نقودی دخی بر صورتله اولطرفلره ارسال و نحاس و تیمور و قورشون دخی  
بیع و ایصال اولمدیغنی تقدیرجه صرف ایده‌جک بر آچمه قطع و ادوات  
حربیه و لوازمات سائرله‌لرندن برشی حیر اعمال ایتدیریمه‌جکاری و اول  
باید دولت‌علیه شدت احتیاجلری باهر ایکن مقتضای جبلتلی اوزره  
شرم و حیا جانب دیکری استحقار و کندی نقود و آلات حربیه‌لری ایله  
مباهات و افیزار ایتدکاری و الحاله‌هذه طوبخانه عامره و کرخانه سائرده  
اصاغه اولنان انواع طوپ و هوانلر و ترسانه معموره‌ده یا ییلان قلیونلر  
و مهمات حربیه سائره ایچون دولت‌علیه کایتل و نحاس و تیمور و قورشونک  
لزو می درکار و بونلرک قلاتی سبیلله عبادالله دخی مضایقه‌یه گرفتار و دیار عجمه  
بونلر بیع اولمدیغنی تقدیرجه شروط عهدنامه‌یه مغایرتی و آخر کونو  
بر مضرری اولمدیغنی جمله غننده آشکار ایکن ارضروم و طربزون مثلاً

مساعدت و مساهله‌لری سببیه معدنلریز محصولندن دولتمزه ازوملی اشیایی  
دول سائردهن خصوصتلی. هویدا اولان دشمن ضعیفه ارسال برله  
استکمال اسباب مقابله‌لرینه معاونت قیلندن اولدوغنه بناءً کمرکله  
تقریباً و تخمیناً سنوی ترتب ایده جک یکریمی اوتوزیک غروش مقداری  
کسردن صرف انظار ایلله ارضروم و یازید و قارص و وان و الیرینه  
خطاباً اقتضاسنه کوره مؤکد اوامر علیه کوندیلرک دیار عجمه باقر  
و تیمور و قوشوم امراری کلیاً منع و رفع بیورلدینی صورتده دولت علیه  
بالوجوه منافع خفیه و فوائد جلیله حاصل اوله جنی .

## اجمال اوصاف ظلم و ستم شاه عجم و سبب تنفر رعیت و عسکر و خدم

شاه بی مرحمت کمال عدل و نصفت و شرع شریفه زیاده رعایت ایلله  
پایدار قوت اوله کلان امانت کبرای سلطنتی کثرت خزائن و دفائنه  
موقوف اولق اعتقادینه و دوشوب ملکه‌لرنده جزیه و اعشار شرعیه و معادن  
و کمرک مثللو واردات قانونیه اولدیغندن و طینت فطرتی حرص و طمع  
و ظلم و ستم اجزای مزموه سیله مرکب و مرتسم اول دیارلرده احکام  
شرعیه مفقود و کالعدم اولدیغندن شمدی‌یه قدر انواع مظالم و تعدیات  
ونا مسبوق تکلیفات ایلله جمع و ادخار برله علی روایه قرب طهرانده واقع  
ولدی الاقتصا قرار و تحفظ نوعندن اولدوغنی جنکالستان مازندران  
اسمنده کائن مسقط رأسی اولان استراباد قصبه سنده و طهرانده تنوین  
و تخزین ایتدیکی یکریمی ایکی کرور نقوده و حریمی دائره سنده و نسوان  
کثیره یدلرنده موجود جواهر نا معدوده دن غیریدر دیو ایستر ایسته من  
بوفقیهه ارانه ایلدکاری مجوهرات کرانیه‌های بی احصایه عدم قناعت ایلله  
پیدر پی جمع مال و ابقای فواحش بال ایچون حجاج و سخاک ارتکاب

و انهم اك ايتديكي و خاطر لرینه كمدیكي تعديات و مظالم و تكالیف  
و جرایم ایله عموماً اهالی ایران زار و نالان و مواجب و مراتبلی قطع  
و رفع و مال لرینه طمعاً ادنی بها ایله اهلاک و رفع سببیه کافه عسکر  
و خدمه سی کندودن متفر و روگردان ایتدوکی و اذریا بجانه مساط اولان  
روسیه لولر خادم شاهک و شاه لاحق مشار الیهک زخم خورده و ظلم  
دیده لری اولان جعفر قولی خانک و تفلیس جانبلی سکاننک دلالت  
و دعوتلری ایله بلا جنک و جدال گلش اولدقلری و شمدی به قدر واقع  
اولان محاربات متعدده لرینک براییکی دفعه سنده عباس میرزانک سی  
و تدبیریه عسکرلری غالب کلوب ماعداسنده بالطبع عرضاً مغلوب  
اولدقلری و جوانب اعجامده واقع دول اسلامیه دن بری از یحقی حرکت  
ایتسه بی شک جمله سی اول طرفه میل ایده جلگرندن قطع نظر عندالمحاربه  
روسیه لولر ایله موافقت و دولت لرینه اهانت ایتلری و اهمه سندن اوتورو  
مرسوملر ایله جنکه جرات ایده مدکلری و ایران خاکی دیانتدن خالی  
و مسلمانانق همان دیلارنده جاری اولمق حسبیه قلاباً و قلباً روسیه لولنک  
غیر تکشلی اولدقمده و شاه و مشار الیه هر بار عسکر هر نه قدر افقر  
اولور ایسه امید مال و امال سپایش حال زیاده جنکه مجبور ولدی الضروره  
جسور اولور دیو خلاف عقاید ناس لاف و کذاب ایتدوکی و مشار  
الیها حکام و خدامی قاعده پیشین اعجام اوزره شمدیه قتل و اعدام ایتلو  
ایکن اولادی متعدد و اکثری برسمتک حکومتیه متفرد و متمرذ اولوب  
انجام کارده دعوی سلطنت و یا خود صورت غیبویه ایله امید نجات  
اولمديغندن کمنه بوکاره جسارت ایده مدیکی و شاهک و فائندن صکره  
وارث سلطنت اولان اولاد کثیره بربرینه خصوصت ایدرک ممالک ایران  
ویران و زمام سلطنت مسلمه ایدی اجنبیان اولجندن اشتباه اولدیفی  
رنجال دولت و یا بندگان سرار سلطنتدن ایوجه کوروشدیکم و عندالعوده



خانه لرینه قوندیغ بعض کسانک مال مقال صادق لرندن و دلائل سائرۀ سائقه لرندن تحقیق کرده بندکی ایدوکی .

بیان کیفیت عبدالرحمن پاشای فضاحت انماکه اندر سوی  
بغداد از زمرۀ میر بلاد آکراد

شاه کمرام سمت سمت ممالک جسیمه سنده حاکم اولان اولادندن .  
ماعدای سائر بلادده اولان بالجه حکامک واصحاب نفوذ و ذکادن اولان  
کافۀ اخوانین و خدامنک دغدغۀ خروج و طغیانلرک در امان اولمق  
ملاحظه سیله یا اولاد و یا خود عیالنی رهن طریقیله طهرانده توقیف  
و تأخیر و بومقوله اصحاب اذهان دخی دیارلری محصلندن صالیان  
و پیشکش نامیله سنوی اداسنه متعهد اولدقلری نقودی بهر سنه عید  
نوروزده بالنفس کتوروب شاهه تسلیم واسترلر ایسه رهنلری تبدیل  
ایتدکدن صکیره انلر یا بقا و یا خود اخر منصب توجیهی و خلعت اکسایله  
اعاده و تسبیر ایده کلدیکی اجلدن بغداد بهشت آباده تابع کردستان  
حکامندن معدود اولان بابان نام دیگر قره جوران متصرفی سابق  
عبدالرحمن پاشا بغداد والیسی سابقدن اغراض ایله طرف شاهه التجا  
ایتدوکی ائنده انک دخی بر نفر اوغلونی رهن طریقیله طهرانده توقیف  
و دولت علیه دن بالاستدعا رخصت سنیه استحصالیه کندوسنی ولایت  
اعاده و ولایتی محصلندن بومقابله ده بهر سنه بیلرندن معهود المقدار  
نقود صالیانی نوروزده کتوروب اعطا و خلعت اکتسا ایتمک شرطیه  
اخوانین سائرۀ اعدادینه ادخال ایتمکله پاشای مزبور اولنمندن برو  
شرط مذکور کمالیه رعایت ایتمکده اولدینی بالجه بغداد و حوالیسی  
بوحرکتی سببیله مزمووم و منفور و طهرانده اولان اوغلو عدم رعایت  
و مذاهمده مبادت حسیله مکدر و محقور اولدوغنده پاشای مزبور

بگوهر او ندن نادم اولمش ایسه دخی رهنی تخلیصه چاره‌سی اولدیغندن  
 و خلعت اکرادیه‌سی اولای بالاستحصال اماله و رجوع نفسنه کران  
 کلدیکندن بالضرور صبر و تحمل ایدوکی طهرانده اولان اوغلونک  
 واده‌لرینک و ذکر آتی مصالحت قارصده یوسف پاشا حضرتلری عندنه  
 مقیم دیوان کاتبی قاسیم افندینک کفتار و اطوارندن جزماً و یقیناً معلوم  
 بندکی اولدوغی و مزبورک اوغلی ید جانینه اعاده و ارجاع اولنق  
 خصوصی میرزا شفیعه کتوردیکم مکتوب سامیده سطحیجه مسطور  
 و بوخصوصده اولدوچه طرف عاجزانه مدن دخی سبی اولنسی حامل  
 اولدوغم تعلیمنامه‌ده مذکور اولدوغندن بوفقیق ابتدای امرده شهزاده  
 عباس میرزایه و وزیرینه بوماده نازکانه تذکیر ایلدیکمده بزم بله جگم  
 ایش دکلدر طهرانده وصولنده مذاکره ایله جوابی اولطرفدن وریلور  
 دیدکارینه مبنی طهرانده بر ایکی دفعه مزبور میرزا شفیعه عبدالرحمن  
 پاشانک سزکله بوکونه معامله‌سی دولتمزک کنه‌یله معلومی اولیوب فقط  
 حین حرکتده مقام علیای ریاستدن دولت ایرانیه‌نک التماسنه بناءً  
 بغداد والیسنه یازیلوب عبدالرحمن پاشا محله اقعاد و تأمین اولندی. اکر  
 اوغلولم حالا انده ایسه فیما بعد مکشی موجب حالت قالمدیغی ایله عودت  
 ایتدرلسون دیو بوفقیقنه تنبیه و تذکیر بیورلمش ایدی. تحقیقه کوره  
 پاشای مزبوری عادتاً اخوانین ایرانیه ذیلنه دولت علیه‌نک ملک موروثی  
 صالیان وضعیله بیایغی ممالک اعجامیه سلکنه ادخال بیورمش سز بوا یسه  
 دعوای خلوص و محبتکیزی منافی و بنده کز تأکید محبته مأموریم  
 حبسیله بوخصوصی وقوعی اوزره دولت علیه‌یه افاده ایتمز ایسه دخی  
 طرف آخردن مسموع بیوریلوب بالاخره فساد ظهورینه بادی عادی  
 اوله جغی ظاهر در زیراً فلان تاریخده بغداد والیلکی هوا سیله شاه عباس  
 ثانی صفویه مراجعت ایدن بکر صو باشی‌یه سرعسکر حافظ احمد پاشا  
 طرفندن بغداد منشوری ویریلدیکی انده نان و نعمتیله پرورشیاخته اولدوغم

دولت علیه‌ئی براغوب اجنبی باش ایندرمک فدای جان و دل مش‌کل  
ایتمش دیو شاه مشار الیه جانبدن اکر اه ایتمه‌سندن ناشی بغداد بوجانبندن  
استیلا و عقینده سلطان مراد رابع حضر تلیزینک همت پر میمنتلیله  
استرداد اولنجه دکن تقدیر جانلر هدر و عموماً دیار ایران زیر وزیر  
اولدوغی کتب توارینجه مسطور واسرالشورر اصغر ها مثلی السنه ناسده  
مذکور و متداثر در و مزبور عبدالرحمن پاشانک دیوان کاتبی منلا قاسیم  
مدت و افره دنیرو و حالا یوسف پاشا حضر تلیزینک اور دوسنده قائم اولغله  
بالدفعات نزد حقیرانه کلوب فدای جان عدیملامکان اولدیغندن و ولی  
نعمتمز اولان دولت علیه طرفه فراره و جاه و جوار مزه بزماتجبا  
بوله مدیغمزدن بالضرور اعجابه عبودیت و مألوف اولدیغمز و برطرفه  
ویژه کلدیکمز ویرکو اعطاسی و کرو ابقاسی و نوروزلرده خلاف مذهب  
و آیین خلعت اکتسابی مثللو مضایقه جسارت ایتدک بوبالاردن استخلاص  
نیازیله اقدمزه مراجعت و خیلی زماندن برو دایره‌سنده اقامت ایده یورم  
برفانده‌یی مفید اولدی و سنک مأموریتک حصول مأمولزه سبب و علت  
اوله جفی معلوم اولغله مقاصد سائر مزدن قطع نظر فقط قره جوران  
سنجاغی بغداده مربوطیتدن اخراج و سائر الویه مستقله مثللو طرف  
دولت علیه‌دن فرمان ایله پاشامه توجیه ایتدیروب بومقابلده و هابی  
اوزرینه سفر و عزیمت و دولت علیه و سناکه مالاً دخی خیلی خدمت  
ایدن و بوتهمت شبیه دولت علیه اعتماد ایتمز ایسه پاشام عندنده لاشی  
مقوله‌سندن اولان اولادینی فدا و ولایت اعجایی تالان و یغما ایله اعتماد  
کلی اعطا ایده جکنه کفیل و رهن و بریر دیو بوفقیره رجا و واقع حالی  
انبا ایتدیکی و پاشای مزبور بعینه بکر صواباشی مثللو طرفینی الدن  
براقیوب سزه بگونه عبودیت ایتمکده ایسه دولت علیه دخی بوجهاه  
خدمت و رقیق عرض ایتمکه آخر الامر بر فساد ایجادینه شب اوله جفی  
باهر در دیو توضیح مرام و توشیح کلام ایده‌رک کیفیتی تقریر و افهام



ایلدیکمده افندی دیوان کاتبی بیانه سویله مش شمدیکی خالده دولت  
 علیهمده بر عبدالرحمن پاشانک اوغلو کرک ولایتندہ اوتورمش کرک  
 طہرانده دورمش عدم تکلیفہ بناءً بر کونہ بأس یوقدر دولتمزہ مقطوعاً  
 صالیان اعطاسی خلاف اولوب همجوار اولق مناسبتیلہ فقط سنوی بر  
 مقدار پشکش ویرر و اوغلونی اعادہ ایدہ جکزدر و بالجلہ حدودده اولان  
 حکام شاہان سالفہ وقتلرندہ اولدوغی مثللو برر مقدار پشکش ارسالیلہ  
 دائماً الفت ومظاہرت ایتملودر دیدکده حاضر فضاحتلرینی ستر واخفا  
 صدندہ ایکن بوز جفارنہ مق وفي الجملہ قدر اعتبارمی محافظہ ایتک ایچون  
 معارضہ ومخاصمہ ایتیموب واقعا تقریر یکز نفس الامرہ مطابقدر سخا بوا  
 تحادوا امری منظوقنجه طرفینک حدود حکامی دولتین علیتین جانبلرینہ  
 ہدیہ ارسال ایتسلر و افادہ وجہلہ پاشای مومی الہک اوغلاری اعادہ  
 بیورلسہ موجب تراید محبت اولور دیو طرف بندکیدن دخی صورت  
 تصدیق تکریر تکلیف و ایراد جواب لطیف اولندیفی و بونلر پاشای  
 عزبورک چا کرلرندن مقدم لاجل التبدیل طہرانہ تسبیل ایلدیکی عثمان  
 یک نام اوغلونی طہرانده توقیف وتأخیر ومحمد یک نام بیوک اوغلونی  
 ولایتہ اعادہ وتسییر ایتملردر و برسنہ دن زیادہ روسیہ لو ایلہ اصلاً  
 جنک ایتہ مشلر ایکن بودفعہ چا کرلریلہ کوندردکلری مکتوب جبل  
 اسلوب مغرورانہ لرندن عبدالرحمن پاشانک اوغلونی اعادہ و روسیہ لوی  
 بالمحاربه سویلہ وبویلہ قہر و فتادہ ایتک دیو دروغ صریح تحریر اظہار  
 صلاحیت فخر وغرور ایتدکلری .

### کیفیت معاملہء والی بغداد پاشای فساد پیشہ

غالباً طرف دولت علیہ دن بغداد والیسی سابق علی پاشا حاضر تلرینہ  
 عجم ایلہ امتزاج وحسن الفت وعبدالرحمن پاشای تأمین و اوغلونی عجمدن

طلب ایله دیو یازمق ویا خود بوچا کرلرینک مأموریتدن خبردار اولمق ویا  
آخر ماده ضمیمه اولمق احتمالنیدن بریسیچون متوفای مشار ایله  
بغدادده کتبخدالمق وقائم مقاملقرتبه لرینی احراز ایتمش متنفذان بغداددن  
درویش آغا نام کورجی الاصل ساده دل بر شخصی یوز نفر دن متجاوز  
خدم وخشم وعلی روایه ایکوز الی کیسه لکدن زیاده هدایا دخی  
شاه جانبه ایلمچی تعیین وارسل وعقیبنده کندوسی اخرته انتقال ایتمه کله  
مقدما کتبخداسی ایکن بالمحاربه عجمه اسیر وحالا تحصیل ایالت بغداد  
ایله مر امکیر اولان دوللو سلیمان پاشا حضرتلری کما کان ابقای مأموریه  
واولطرف دخی حصول مأمولنه سنی وغیرت ایتسیچون اثنای راهده  
مکتوب ایرشیدردیکچون ایلمچی مرقوم بوفقیردن یدی سه کیز کون  
مقدم طهرانه داخل وبالاده میرزا شفیع خانسه نازل اولمقله ایکی اوچ  
دفعه مرقوم ایله اجتماع وماده مأموریتنی تحری واستخراج ایلدیکمه ده  
عبدالرحمن پاشا ماده سی وهمجوارلق مناسبتلرینی تذکیر ایتمش ایسه  
دخی اساس مأموریتی طرف دولت علیه دن بغداد والیدیکنی تحصیل  
ایچون استشفاع واستعانه دن عبارت ایدوکی وحقی برکیجه میرزا شفیع  
مواجهه مزبورده والی سابقک وفاتی سببیه بغداده اختلال وقوعی  
تأیام اولمش ایکن دولتین علیتین بیننده درکار اولان محبت مقتضاسنجه  
بوطرفلرده سلیمان پاشا استصحاب برله لدی الاقتضا ارسال عسکر وجهت  
آخر ایله اهانت اوله جنی بیانیله امرینه اطاعت ایتلمیچون کوندریلان  
رقم شاهی بی دیوان بغداده علناً قرائت ایتدرمک وحدوده اولان خانلر  
دخی لدی المطالعه عسکر ارسالی واکثر وجهله امداد واعانت ایتلمیچون  
رقم کوندرملک سببیه کمسه حرکتیه جرأت وبالجمله اهالی خواه ناخواه  
تبعت ایتدکلرینی ومنزبور عبدالرحمن پاشا عسکر جمعیله کوی سنجاق  
اوزرینه عزیمت ایتمش ایکن بوطرفدن تنبیه وتحریر اولندوغنه مبنی بلا  
محاربه دعوت ایلدیکنی وطرف دولت علیه دن حصول مسئولیچون شفاعت

نامه کوندردکاری بوفقیه افاده و انبا و ایاجی مزبور دخی با تعام تصدیق و تشکر و ثنا ایلدی و بویخصوص چا کرلریله مبعوت مکتوبمز طرفنده دولت علیه دخی اجمالاً تحریر و املا ایلدی و ایاجی مزبورک عودتندن صکره فقیر طهرانده ایکن مشار الیه سلیمان پاشا حضرتلری طرفندن با تحریرات بر قاج اتاعلو براندرون اغاسی دخی کلوب جندودود طرفندن عودت ایتدردکاری مزبورانک اساس مأموریتلری جزماً و یقیناً معلوم عیدانهم اولیوب انحق بغدادده استقرارلرینه معاونتلری مقابله سنده بهر سه طرف شاهه هدیه نامیله بررشی کوندرمکه تعهدی العلم عبدالله شروط سائرمیه دخی ربط ایتلری بالاده بسط اولان مقدماتدن وفی الجملة انتفاعلری اولان عبدالرحمن پاشا خاطرینه عدم رعایتله خصمی اولان وزیر مشار الیه حضرتلرینه اهانت و عمت ایتلرندن و پاشای مزبورک اوغلی محمود بکک صورت ظن و اشغالنده ایراد ایلدی کلماتدن استشعار و استدلال اولندیقی .

بعض ملاحظه بنده صاف نهاد درحق حضرت

والی بغداد

ممالك ایران قدیمندن معذود و بغضیه الله الملك الودود خلا سلك ملك پادشاهیده مقصود اعجامه قریب و محدود اولان بصره و بغداد مثللو خارج زاده بغداد بلادی استخلاص و استرداد و بالجملة شاهان و سکان عجمه و باخصوص شاه مشار الیه اقتضای سرادواذکار و افکارلری بومراحی تدبیر و ایراد ایدوکی نزد عاجزانده مجزوم و حمله عیدندم معلومدر. بناءً علی ذلك بومطلوبه متهالك اولان شاه طرفندن دائماً استکفاف و اکراه و ولی نعم عالم اولان پادشاه جهاه پناهه صداقت قصدیه اعجامه بغض الله فراغنه رعایت و لاله ممالك حدوده واجبه



ذمت ایکن و بغداد والیلری عظمای دولت علیه بهر سنه ارسالی معاد اولان برر بغچه هدیۀ ناچیزک ایصالندہ جواز کوره اہال ورخاوت ایکن بالادہ بیان اولندیغی وجہلہ بغداد جانبدن بردفعہدہ کوندریلان ہدیہ اعطا و شروط سائرہ ایلہ طرف اعجامہ میل وانحاصیح اولدوغی صورتدہ عقل قاصر عاجزانہمہ کوره وقتیلہ دولت علیہیہ بالوجوہ موجب محاذیر عظاما اولہ جغنہ بناءً بوخصوص اطرافیلہ تحریر وتدقیق بیورلمق امور واجبہدن اولدوغی .

صورت حرکات ناروای اعجام بی حیا درحق حضرت یوسف پاشا واسترداد اموال مغصوبہ فقرای بایزید سوی اعجام عنید با طلب سرعسکر دلیر و بحسن تدبیر فقیر پرتقصیر

اعجام خیران انجام دولت علیہ شمدیکی حالہ روسیہ لویہ دائر وسائر مراجعتلری قلمق ودولت علیہ کندی امر معظمہ سیلہ مشغول اولوب فضایح جزویہ ایچون آخرین تادیبی قیدینہ دوشمامک فکر فاسدہ سیلہ مقتضای جبلتلی اوزرہ جانب سلطنت سنیہ علناً اہانت وخیانت ایتمکہ مباشرت برلہ ایام شتادہ قارص وبایزید وروان وھنگام کرمادہ حوی وروان جانبلری قشلاق وییلاق وطرفینہ ادعای اتحاد ایدہ کلان سینیکی و زلام تسمیہ اولنور ایکی عدد عشیرت اکراد بکتری اول عبدک حسین نام بکتری طرفلرینہ جلب ایلہ برطرفدن مزبوران وبرطرفدن دخی حوی حاکمی اولان قرہ کوز محمدخان سرقت وشقاوت تہمتلری ایچون میران مزبورانہ خصومتی و طرف و طرف اعجامہ عدم میل ومحبتی باہر وبید اولان بایزید متصرفی ابراہیم پاشادن اخذ انتقام وکراً طرفلرینہ جابہ دوام ایچون لواء مزبور قضالرینہ تسلط وانلر

دخی حوالی مرقومہ عاداتندہ مبالغہ و تفریط ولایعد اموال منہویہ فقرانی  
تماماً ہوی و روان طرفلرینہ ایصال ایتدکلیرینہ و کذلک قارص محافظی  
مقتول محمد پاشانک روانہ فرار ایدن قیرنداشی قرہ بکی استصحاب و خلاف  
مأمول بومثللو نیجہ نیجہ افعالی ارتکاب ایتدکلیرینہ دولتلو یوسف پاشا  
حضرتلری استغراب برلہ بالظف و الاحسان جبر نقصان ایتدرمک ایچون  
قرب و جوارده بولنان مزبور سردار حسین خانی دائرہ سی و اوردوسی  
خالقیلہ معاً قاغزمان صحرا سنده اردوسنہ دعوت و سایہ سلطنت سنیہ دہ  
کلیتلو ہدیہ اعطا وجہت اخر ایلہ مکرم و مانفت و وافر اظہار قدرت  
و شہرت ایتدکدن صکرہ خلاف شروط مسالہ تصاحب ایتدیکم مزبور دن  
قرہ بک و عبدل حسینی و اشیاء منہویہ بی طلب ایدوب اولدخی اطوار  
سحریہ اور کفتار باروا ایرادیلہ مخالفت ایتدیکندن کمال مرتبہ انفعال  
برلہ خصوصات مزبورہ ضمنندہ شہزادہ عباس میرزایہ بتحریرات  
نوری نام بر معتبر آدمی تسیر و بوفقیہ دخی مفصل و مشروح بر قطعہ  
امرنامہ تحریر بیوردیغہ مبنی چا کرلری بر قاچ مجلس شہزادہ مشار  
الیہ و وزیر میرزا بزرک ایلہ مقتضای وقت و زمان اوزرہ مواد مرقومہ بی  
درمیان ایدرک بالآخرہ بش التی سنہ دنیرو بایزیددن فرار ایتمش  
رعایالری کیرو اعادہ اولمق شرطیلہ فقط بالجملہ اموال مغصوبہ نک  
استردادینہ و قرہ بک حقندہ دخی بالمحاربه مشار الہک تطیب فوادیہ  
و عشائر مزبورہ کویا اصل کندی رعیتلری اولدوغی و دکل ایسہ دخی  
مہین جانبین اولدقلری اجلدن فیابعد اراضی رومہ ایاق بصدرمق  
واکر تجاوز و تعدیلری واقع اولور ایسہ قرب حدوددن قالدیروب  
خراسان طرفلرینہ کتورمک موادیہ ارضا ایلہ یاساچی باشی مزبور  
نوری بک ترفیقاً روان خانی جانبہ وایش آغاسی ناچی اولان محمد بک  
بوفقیہ ایلہ تلخیصاً حوی طرفہ تعیین و ارسال ایتدردکدن صکرہ  
بوچا کرلری کلوب بایزیددہ ظہور ایدن فقط قرق الی خانہ مقداری

بنی سروپا رعایای عجم طرفه اسرا و حوی طرفدن کلان اموال منوبه  
 فقرای بایزید اصحابه توزیع و اعطا ایتدرلدیکی و بعده روان جانبدن  
 اولان اموال مغصوبه دخی بر روایتده و علی روایه مع نقصان یساجی  
 باشی و نوری بک ایله بایزیده کلوب اصحابه ویرلدیکی و مرقوم قره بکک  
 یاننده اولان موجود کلیتو اموال و نقودی روان خانی کلیاً ضبط  
 و مقتضای غرورلری اوزره یوسف پاشا حضر تترلینک طلب و تخریری  
 گتم برله روسیه لویه فرار تدبیرنده اولوق تهمتیله مقید جانب شهرزاده یه  
 ارسال ایلدیککی خبری اضر و مده رسیده سمع بندکی اولدوغی .

### مغاز صلح و سلام بعض حرکات نامرضیه عجم

حالا روسیه لویه تابع و کمال ملغتی دنیا یه شایع جعفر قولی خانی  
 عجمدن حین فرارنده دامادی و بایزید سنجاغی متصرفی بولنان متوفی  
 محمود پاشا لواء مزبور مایحقانندن کرد اوغلو قلعه سی دیملکه عریف  
 صعب المرور بر قلعه یه ابعاد ایدوب بعده بااراده سینه اولحوالی حکامنک  
 و عجم خانلرینک مباشرت لریله طرد و ابعاد اولندوغی انشاده تکرار  
 دخولده حراست دیسیه سی و مزبور قره بکک سوق و اغانه سی سبیلله  
 قلعه مزبوره یه دخول ایدن اعجام الی الآن جیقیمیوب توابعندن اولان  
 چند عدد قرائی پریشان و برطرفدن استحکامنه اهتمام ایدوب هر نقدر  
 استرداد مراد اولندیسه اصغا و اعطا ایتدکلرندن و حدود موجوده  
 اکثری بلاد خلقی حین فتح خاقانیده تطیب و اعجایی بو طرفه ترغیب  
 اراده سیله کافه تکالیفدن معاف بیوردقلری ایچون فقط رضالریله و الیرینه  
 سنوی جزئی هدیه ولدی الاقتضا عسکر اعطاسی وجهت اخر ایله خدمت  
 ایده کلان رعیت دولت علیه دن وان سنجاغنده واقع اهل سنت و پاک  
 عقیدت حکاری اکرادی بلادندن جاذ ناحیه سی چا کرلری طهرانده



شہزادہ عباس میرزا عسکر ارسلانی ایلہ اور دیروپ ایک یوز نوردن  
متجاوز نسا ورجال وکبار اطفالارینی سی واسترقاق وتبریزده علناً  
بالمزایده طائفه اعجام ونصارایه بیع وفروخت وسائر حکاری قریہ لرینہ  
سنوی بیک بشیوز رأس اغنام وبنک بشیوز ریال ویرمک خصوصی  
تکلیف واغنامی جبراً تحصیل ومبلغ من بوری برقاج ماه تأجل ایدوب  
طائفه من بوردن وان بایزید طرفلرین استمداد واستعانه ایتمکده  
اولدقلرینی ومارالد کر سیبکی وزلام عشرتلی هر تقدیر دولت علیہ نک  
قدیمی رعیتلرین ایسه دخی بو طرفده استقرار ایتوب ولات حدود  
طرفینی تزویر وثفاق ایلہ بربرینہ دوشوب بواراده اموال فقرائی غارت  
وبوتمتترین بولندقلری طوپراق صاحبنہ عزو ونسبت ایدہ کلدکری  
دولت علیہ وجہاً من الوجوه فائده لری اولمدینی اجلدن همان برابر  
کتوردکری حسینی وعشیرتین من بورتین خلقی حدودک بعید ولایتلرندہ  
اسکان ایتلری ویاخود انلر دخی عجمدن برابر کتوردیلوب بوزاق  
جانب لرینہ جلب وایوا بیورلمسی وکوراوغلو قلعه سندن وحکاری  
قره سندن کفید واسرای میعه عیناً وبلا تضمین رد ایتدرلمسی  
نیازیله بایزیدہ معروضات وبرقاج نفر داد خواخان تہیہ ایتملو ایکن  
بوچا کرلری سر دولت افسر اولیای نعمانی تصدیقندن محافظہ وارده سیلہ  
الحالہ ہذہ اموال منہوبہ کد تدبیر فقیرانملہ فی الجملہ استرداد اولندی  
ارضروم والیسی دولتلو عثمان پاشا حضرتلرینک وردندہ ہمتلریلہ مستدعای  
مذکورہ کنز ایلہ دخی بلکہ بو طرفده برقالہ افراغ اولتوب در سعادتہ  
مشکی ازسالی تکلفنہ حاجت قالماز وبوحوالینک کافہ احوالی والیلر  
طرفندن یازملق قاعدہ کلیددن اولغلہ راساً معروضات ارسالندہ والی  
مشار الیہ انفعال ایتک احتمالی درکاردر دیو شمدیلک منع وثوقیف  
ایتدرلدیکی .

## صورة معاملهٔ انجام بابن بندهٔ مستهام و بیان حرکت عاقلا نه این خاکسار دران دیار

مشار الیه یوسف پاشا حضرتلری عندالعزیمه حامل اولدوغم  
تحریرات سامیه‌لری لدی‌النظر بوندن مقدم درسعادتدن بونلرک بررعینی  
صورتی طرفزه کلوب عبارات ومضمونی اعجامک دعوی کاذبهٔ انانیتلرینه  
کوره غایت دون اولدوغی طرفزدن تحریر وحق اقتضاسنه کوره  
تسوید القابی تسیر اولمشیدی. بونلرینه اولکی صورتده یازملغه حریفلر  
متغیر ومنفعل اولور دیو براز حاللرینی بیان وتوضیح وشهزاده‌یه اولان  
مکتوب سامینک عنوانندن برقیچ فقره‌ئی حک ایله تبدیل وتصحیح  
بیورمشرلیدی. واقعاً شهزاده‌نک دیوانده وزیر ی میرزا بزرک مکتوب  
بنامی مذکوره دیباجه وعنوانی طی وتړک ایله یالکز متنی عارتی  
جهراً تلاوت وبعدہ بوفقیره شهزاده‌نک شانی جهانده شایع اولملغه  
عنوان نامه قراینله حاصلی تحصیل قیلندن اولمق مفهومی تذکیرایتدیکی  
مشار الیه قولی تأیید ایتدیکندن غیری شاه انجام تباه اول امرده  
تصدیق سلطتی ضمنتده بوچا کرلریله قبل جانب پادشاه جهانندن نامهٔ  
هایون وهدا یا ورودی مأمولنده وبویله اولماز ایسه بازی وزیرینه  
اولان مکتوب سامیده ولایتی وهمجوار اولان ولایتلر خلقی اراسنده  
کندویه موجب تعظیم وافتخار اوله‌جق تعیرات ویغنی کندویی ستایش  
و ثنا وکمال قدرتی اعتراف وانبائی مشتمل عبارات یازملق امیدنده ایکن  
کندی اوصافندن قطعاً بحث اولنموب همان پاشاه کافهٔ ام وتاج بخشای  
عامله شاهار عالم سایهٔ بسیط یزدان درج وجود جهان شوکتلو قدرتلو  
مهابتلو عظمتلو ولی نعمت جمیع ملت افدمنر حضرتلرینک توصیف  
شریف قدره شاهانه وتعریف لطیف شوکت شهنشاهانه لرنندن بالمتناسبه

بسط و بیان بیوریان براق فقره کونا باران نیساندن رهان مارنه  
 مصیبت قطره مثللو شاه حسودی زهر آلود ایتمهکه بودفعه میرزا شفیع  
 طرفندن کتوردیکم کاغده شاهلرینک مدح و ثنائسده افراط لاف و کذاب  
 اولبایده و مواد سائرده صراحة ارتکاب کذب و خلاف ایتدکلرندن  
 بشقه بوفقیری دخی لایقی اوزره حسن معامله ایتدرمیوب بوفقیر دخی  
 شاهله ملاقات ایتدیگز دیو سؤال ایدن و بلکه بالمله یانمه کلوب کیدن  
 سند و فرانجه ایاجیلرینه و سائر کسانه برر کونا مناسبت تدارکیله بن  
 دولت عایه قوی قدرت طرف باهرالشرفلرندن مخصوص ایاجی دکلم  
 فقط پادشاه عالمک صدر اعظمک قائممقامی طرف اشرفندن میرزا  
 شفیع بر مکتوب کتوردم و حتی اولمکتوب بر جبار ایله کله جک ایکن  
 در سعادتده اولان عجم ایاجیلری طرفزدن بالدفعات ایاجیلر کلوب  
 بوجانبیدن بر معتبر آدم کوندرلماسی روا دکلدن مخصوص بر آدم ایله  
 کوندریلسون دیو رجا ایتهلرله انلری تطیب ایچون ایاجی عنوانی  
 اولیه رق احقر خدمه دولت علیه دن بوفقیری ارسال بیوردیلر. شاهله  
 ملاقاتی موجب حالت یوقدر و قدر و رتبه و کیفیته نظراً مأمولدن  
 زیاده اکرام ایده یورلر دیو واقع حالی انبا و مسافر اولدوغم خانه کمال  
 و قرار و تمکین ایله اقامت و جوارمده ساکن فرانجه ایاجیلری و یانمه  
 کلان اعجام ایله متشوفانه الفت و اکثراً کتب مطالعه سیله امرار انا  
 و بالوجوه اظهار صورت عما و استغنا ایدوب بوفقیر وادملم شاهلرینی  
 و سائر سیرانکاهلرینی سیر و تماشایه رغبت ایتهدیکمز و کورمزدن عودت  
 اولنوب ارائه دبدبه و شهرت ایده میه جکلری معلوملری اولدوقده شاهک  
 امر و اراده سی و میرزا شفیعک و باخصوص صاحب خانه مزک ابرام  
 و افاده سیله بر کره ات قوشوسی بهلنه سیله ترتیب ایتدیکی بنش جمعیه  
 دیگر ایاجیلر ایله معاً عزیمت و انلره تقدم و شهزاده لرنده تقرب صورتیه  
 و داراتی تماشا و رؤیت و بر کره دخی جوهرلرینی کورمک و طهراندن




اولان شهزاده لراکبری وحوالی وشهر طهرانك حاكمی اولان حسن علی میرزا ایله کورشمك ایچون سراینه وبردفعه دخی عندلرنده باغ جنان وجهانده معدوم الاقران اولمق زعمیله شاهك سنین وافرهدنبرو بنا واعماریتدیکی بکارستان طهران وقصر قاجار تسمیه اولنور وصحیح الهوا وفسیح البنا قصرلرینه عزیمت اولدوغی وچاکرلریمك یریمه حوادث تواریخ سابقه ومقتضای اوقاف لاحقه دن بی خبر وانلردن اکرام وادمیت مأمول ایدرفن مناظره واداره جواب مذاکره دن غافل وتنگ دل براخر قوللری اولسیدی معامله ومذاکره لرنده لایق اوزره مقابله ایدهمیوب بالضرور برودت وکدورتله عودت ایدجکی فلاله الحمد والمنه بوقوللری هر حالده عاقلانه وحکیمانه حرکت واطهار غنای طبیعت ایله هرکلاملرینه مقتضای مقام اوزره جواب باصواب ویروب عندلرنده منکوب وهیچ برمادهده ایسه مغلوب اولمیوب شان وشوکتیه وسالطنت علیه اجر وحیله سیله باکمال شوق ومحبت وداع رسمی ایضا اولنه رق مزید عز ورفاه وکمال محبت واعتبار ایله معارف وعودت اولندوغی محاط علم عالم ارای رحیمانه لری بیوردقدده امر وفرمان لطف واحسان دولتلو عنایتلو عطفوفتلو رأفتلو ولی النعم کثیرالحد والکرم عالی همم افندیم سلطانم حضر تلرینکدر .






















3 1761 06979105 1

Refi', Seyyid Mehmed  
Iran sefaretnāmesi

DR  
479  
I55R4